

Abbildung auff dem halb faulen/ vnd der  
 schwarzen Erde gleich gestalten Papir/  
 auch der allerscharffsichtigste kaum er-  
 kennen möchte. Vnd dieses könnte noch biß-  
 weilen verschluckt/ oder doch zurück geworffen  
 vnd vergessen werden / wenn sie nur nicht vber  
 diß mit so vielfältigen schändlichen mendis,  
 vnd Erraten die Materien vnd Werck besleck-  
 ten/ daß man auch nur nicht ein einiges Blat  
 von solchen kan frey vnd ledig finden. Ja daß  
 noch das allergröste vnd gröbeste ist / auch der  
 Titul des Buchs pflegt oft dem Leser einen  
 verdruß zu machen/ in dem auch derselbe Vicia  
 in sich begreiffet. Vnd geschieht solches auch  
 wol an den fürnehmsten örtern. Aber wie kan  
 es anders seyn / weil sie aus Geitz vnd Filzig-  
 keit dahin gerathen/ daß ihnen auch die Vnko-  
 sten / so auff die Correctores zu wenden/ ge-  
 rewen/ vnd zu viel düncken. So bekümmern  
 sie sich auch vmb nichts / sehen selten/ oder gar  
 nicht nach der Arbeit/ forschen vnd fragen nicht  
 nach der Arbeiter Fleiß : Welche Warlich  
 zum öfftern nachlässig seyn / wenn sie mercken  
 vnd sehen / daß der Inspector, oder Drucker-  
 herr selbst träg/ vnd vnfleissig ist. Dannenher-  
 ro oft vnd viel σφάλματα vnd Vicia gefun-  
 den werden/ die sie / ob schon die Corre-  
 ctiores